

Tajuk : Pembabitan belia dalam politik kerana faktor umur

## Pembabitan belia dalam politik lesu kerana faktor umur

KUCHING: Akta Pertubuhan Belia dan Pembangunan Belia 2007 yang belum diluluskan di peringkat Dewan Undangan Negeri (DUN) Sarawak dikenal pasti antara penyebab utama pembabitan belia dalam politik semakin lesu kerana inti pati penting dalam akta berkenaan adalah takrifan umur belia

hanya dihadkan di bawah usia 40 tahun.

Presiden Majlis Belia Malaysia (MBM), Mohamed Maliki Mohamed Rapiee, berkata kelulusan akta terbabit adalah penting bagi mengelak pimpinan tertinggi pertubuhan belia tidak disandang oleh golongan melebihi umur dihadkan kerana dikhuatiri

mereka tidak mampu memahami aspirasi belia Sarawak yang rata-rata berusia antara 20 hingga 29 tahun.

“Bukan niat saya untuk menidakkannya sumbangan pemimpin belia yang sudah berumur, namun saya merasakan ada baiknya DUN Sarawak meluluskan penggunaan akta terbabit supaya jurang umur

pemimpin pertubuhan belia tidak terlalu jauh dengan ahlinya.

“Kalau umur pemimpin belia terlalu berusia, saya tidak rasa golongan belia di sini berminat ingin serta aktiviti persatuan atau mahu terbabit secara langsung atau tidak langsung dalam

► LEMAH MUKA 2

### Wajar lulus Akta Pertubuhan Belia

► DARI MUKA 1

politik sebab tarikan umur sebaya sangat kuat pengaruhnya kepada golongan itu,” katanya ketika dihubungi *Berita Harian*, di Sibu kelmarin.

Beliau berkata demikian ketika diminta mengulas kadar celik politik belia Sarawak masih berada pada tahap rendah di negara ini iaitu hanya sekitar 33 peratus daripada sejumlah kira-kira sejuta pengundi di negeri ini hasil penyelidikan Pensyarah Kanan Universiti Malaysia Sarawak (UNIMAS), Dr Jeniri Amir.

Mohamed Maliki berkata, mengikut Seksyen 49, Akta pertubuhan belia mentakrifkan “belia” bererti seseorang yang berumur tidak kurang daripada lima belas 15 tahun dan tidak lebih daripada empat puluh 40 tahun.

“MBM merasakan sudah tiba masanya akta itu diluluskan kerana golongan belia bertindak sebagai penggerak dalam mencetus aspirasi politik masyarakat setempat. Ini penting supaya proses pembangunan sahsiah generasi akan datang yang menitik beratkan soal politik tidak terkubur begitu saja,” katanya.

### Keputusan kerajaan tepat: Dr Mahathir

► DARI MUKA 1

Pembangkang sebelum ini mendakwa, Dr Mahathir pernah menghantar sepucuk surat kepada Israel ketika beliau menjadi Perdana Menteri untuk melindungi kenyataan Anwar dalam akhbar Wall Street Journal (WSJ) yang mempertahankan usaha melindungi keselamatan Israel.

Dr Mahathir dalam kenyataan balasnya mengakui menghantar surat itu, namun ia bertujuan menjelaskan pendirian Malaysia yang menolak sebarang hubungan dengan Israel selagi regim itu tidak mengiktiraf kedudukan rakyat Palestin. Ia dihantar sebagai balasan kepada surat Ehud Barak yang mahu Malaysia menukar pendirian mengenai hubungan antarabangsa dengan Israel.

Di SAMARAHAN, Dr Mahathir menyifatkan keputusan kerajaan mendedahkan kandungan surat itu adalah langkah tepat untuk menjelaskan keadaan sebenar.

Katanya, beliau pernah cuba menyiaran kandungan surat itu dalam buku tulisannya sebelum ini, namun ketika itu kerajaan menasihatkannya supaya tidak berbuat demikian.

“Masa buku saya diterbitkan dulu, saya memang nak masuk semua itu (kandungan surat), tetapi masa itu kerajaan tak benarkan. Terima kasih kerana sekarang kerajaan sudah bersedia untuk mendedahkannya,” katanya selepas menyampaikan ceramah pada Konvensyen Kebangsaan Patriotisme dan Politik: Hala Tuju Sebenar, di Universiti Malaysia Sarawak (UNIMAS).

Dr Mahathir juga berkata, kandungan surat itu memang perlu didedahkan kerana beliau menerima pelbagai tuduhan termasuk ada yang mendakwa dalam surat itu beliau mengucapkan tahniah kepada Ehud Barak.